

lis operatio brutorum. vnde scribit Ambro. in suo exameron. ac etiam Linco. in de mandatis, de ciconia, quòd depositis patris artibus per longeuum senectutis plumarum tegmine, alarumque remigis nudatos circumstat soboles pennis proprijs fouet, & quid dicam collato cibo paicit: quandoque etiam ipsa natura reparat dispendia, vt hinc atque inde subleuantes, se non fulcro alarum ad volandum exerceant, & in pristinos vsus iam disfluenta reducant pie patris membrum. & ideo tu qui patrem carnalem habes senem, pauperem & debile hoc considera, & noli despiciere eius incommoda. vt puta sensum defectionem, virum imbecillitatem, dorsi curuitatem, membrorum tremorem, gressum titubationem, linguam balbutientem, pueriliter preterita laudantem, presentia desipientem. facile conuerentem, & ferè sine causa irascentem, & huiusmodi plurima. Sed secundum scripturæ consilium Eccles. 3. Suscipe senectutem patris tui, & non contristes eum in vita illius, & si defecerit sensu veniam da illi, & ne desperas eum in tua virtute: nam, vt dicitur Deuter. 27. Maledictus qui non honorat parentes. & si hoc intelligatur de patre carnali. ergo a multo fortiori de patre spirituali. Vnde canon, qualis (inquit) condemnatio eis emineat, qui in patres peccant, diuina scriptura ostendit. Si enim Cham, qui non operuit pudenda patris, maledictus est. Genes. 9. multo magis ampliori condemnatione digni sunt, qui in patribus legatione Dei fungentibus contumeliam inferunt. hæc canon. 2. q. 7. quales. Quintum mandatum etiam transgrediuntur auari. s. homicidium committendo: nam bella multa & homicidia suscitantur propter auaritiam. vnde Iaco. 4. Vnde in vobis bella & lites nisi ex concupiscentijs vestris. Vnde in figura huius legitur Gen. 4. q. Cayn, qui possessio interpretatur, occidit Abel fratrem suum. Sextum mandatum etiam transgrediuntur auari. s. mechæ turpitudinem perpetrando. vnde Luc. 15. legitur de filio prodigo, q. petijt a patre portionem substantiæ suæ, qua accepta abiit in regionem longinquam, & dissipauit substantiam suam viuendo luxuriosè. Septi-

mum mandatum etiam transgrediuntur auari. s. furtum faciendo. Vnde Iosue 7. legitur de Achar, qui auaritia ductus contra præceptum Dei furatus est pallium coccineum & ducentos cyclos argenti regulamque auream, & propter hanc transgressionem præcipiente Domino lapidatus est ad mortem. & filij & filia, boves, asinæ, oues ac tabernaculum suum cum tota eius substantia igni combusta & consumpta sunt. Octauum mandatum transgrediuntur auari, scilicet falsum testimonium contra proximum loquendo. vnde Isid. in de sum. bono. libr. 3. capit. 64. Non enim (inquit) deerit multiplex conuentus testium falsorum, si tantum presentia sit nummorum: nummi. n. fecerunt iudices custodientes sepulcrum Domini falsum testimoniū dicendo contra Christum a morte resurgentem. vnde Augus. super psal. 36 Dixerunt (inquit) illi custodes iudeis quem viderunt & quid factum sit. acceperunt pecuniam & dictum est eis, dicite, q. vobis dormientibus venerunt discipuli & abstulerunt eum. Item Aug. exponens illud Math. 26. Quid vultis mihi dare & ego vobis eum tradam? Multi sunt (inquit) hodie, qui factū iudæ traditoris execrantur: & tamen ipsi idē faciunt: nam cum pro munere falsum testimonium dicunt, Christum qui veritas est vendunt. hæc ille. Falsus enim testis iustitiæ relicitudinem flectit & frangit & innocentē dānat aut nocentem absoluit, qui meritō penam suæ iniquitatis reportabit dicente scriptura. Testis falsus non erit impunitus, si qui loquē mendacium peribit. Prouer. 19. In lege enim veteri punita est pena talionis falsitas testimonij. vnde Deu. 19. Si fuerit testis mendax contra hominem accusans eum causa præuarcationis, stabunt ambo quorum causa est ante dominum in conspectu sacerdotum & iudicū qui fuerint in diebus illis: cunque diligentissime perscrutantes inuenerunt falsum testem dixisse contra fratrem suum mendacium, reddent ei, sicut fratri suo cogitauit, & auferes malū de medio tui: vt ceteri timorē habeant, & nequaquā audeant talia facere. Nō misereberis eius sed animā pro anima, oculū. p. oculo, dentē pro dente manū pro manu, pedem pro